



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2012. GODINU I POSTIZBORNOG FINANSIJSKOG IZVJEŠTAJA – LOKALNI IZBORI 2012. SAVEZA ZA BOLJU BUDUĆNOST BOSNE I HERCEGOVINE

Broj: 03-07-6-684/13
Sarajevo, 12.05.2014. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE	5
Predmet revizije	5
Cilj revizije.....	5
Obim revizije	6
4. PRETHODNE KONTROLE I REVIZIJE	6
5. NALAZI REVIZIJE	6

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) je izvršila reviziju finansijskih izvještaja Saveza za bolju budućnost Bosne i Hercegovine za 2012. godinu i to: godišnjeg finansijskog izvještaja za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine, Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine i odredbama člana 15.10 Izbornog zakona BiH, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH.

Smatramo da revizija koju smo izvršili pruža razumnu osnovu za izražavanje našeg mišljenja.

Na osnovu obavljene revizije godišnjeg finansijskog izvještaja Saveza za bolju budućnost Bosne i Hercegovine za 2012. godinu, nismo zapazili ništa značajno što bi ukazalo na nedostatke u izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Saveza za bolju budućnost Bosne i Hercegovine za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Revizija je preduzeta u skladu sa članom 10. stav (1) Zakona o finansiranju političkih stranaka, („Službeni glasnik BiH“ broj: 95/12), članom 25. stav (2) Pravilnika o godišnjim finansijskim izvještajima političkih stranaka („Službeni glasnik BiH“ broj: 96/13) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH broj: 103/08).

Zbog činjenice da se revizija obavlja na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Savez za bolju budućnost BiH ostvario je ukupne prihode u iznosu od 1.190.850,29 KM¹, što je iskazano u sljedećoj tabeli:

Red. br.	Vrsta prihoda	Iznos u KM	Učešće u ukupnom prihodu %
1	Članarina	62.686,89	5,26%
2	Prilozi fizičkih lica	171.306,06	14,38%
3	Prilozi pravnih lica	58.466,90	4,90%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	898.081,65	75,44%
8	Ostali prihodi	308,79	0,02%
	Ukupni prihodi:	1.190.850,28	100,00%

U godišnjem finansijskom izvještaju Savez za bolju budućnost BiH iskazao je ukupne rashode u iznosu od 1.651.950,68 KM.²

2. PREDSTAVLJANJE POLITIČKE STRANKE

Naziv političke stranke je Savez za bolju budućnost Bosne i Hercegovine. Skraćeni naziv stranke je SBB BiH.

¹ Podaci iz ispravljenog obrasca 3 (ukupni prihodi političke stranke) godišnjeg finansijskog izvještaja, koji je dostavljen dana 24.04.2014. godine.

² Podaci iz ispravljenog obrasca 4 (ukupni rashodi političke stranke) godišnjeg finansijskog izvještaja, koji je dostavljen dana 24.04.2014. godine.

Politička stranka je dana 30.10.2009. godine upisana u registar političkih organizacija kod Općinskog suda u Sarajevu pod registarskim brojem: 065-0-F1-09-000035, sa sjedištem u Sarajevu, ulica Danijela Ozme broj 2.

Rješenjem Općinskog suda u Sarajevu, broj: 065-0-F1-10-000007 od 31.05.2010. godine upisan je novi naziv političke stranke, Savez za bolju budućnost BiH – SBB Fahrudin Radončić i novo sjedište u ulici Tešanjka broj 24a.

Rješenjem Općinskog suda u Sarajevu, broj: 065-0-F1-11-000002 od 18.02.2011. godine, ponovo je promijenjen naziv političke stranke u Savez za bolju budućnost Bosne i Hercegovine, kao i skraćeni naziv stranke u SBB BiH.

Sjedište stranke je u Sarajevu, ulici Tešanjka broj 24a.

Prema podacima iz godišnjeg finansijskog izvještaja za 2012. godinu, lice ovlašteno za zastupanje političke stranke je Lejla Mujkanović, direktor stručnih službi političke stranke³.

Lice ovlašteno za podnošenje finansijskih izvještaja za 2012. godinu je Kanita Imamović.

Prema podacima iz godišnjeg finansijskog izvještaja za 2012. godinu, organizacionu strukturu Saveza za bolju budućnost Bosne i Hercegovine čine:

- Centrala SBB BiH Sarajevo,
- 6 Kantonalnih odbora SBBBiH,
- 71 organizacioni dio SBB BiH na nivou općina/opština u BiH,
- Federalni klub poslanika SBB BiH i
- organizacioni dio SBB BiH u Brčko distriktu BiH.

3. OPIS REVIZIJE

Predmet revizije je godišnji finansijski izvještaj Saveza za bolju budućnost BiH za 2012. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine, i to sljedećih organizacionih dijelova političke stranke:

- Centrale SBB BiH Sarajevo,
- Općinskog odbor SBB BiH Sanski Most i
- Općinskog odbora SBB BiH Ilidža

Cilj revizije je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Savez za bolju budućnost BiH u izvještajnom periodu postupao u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine, Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine i članom 15.10 Izbornog zakona BiH.

³ Prema Rješenju Općinskog suda u Sarajevu broj: 065-0-F1-12-000023 od 22.01.2013. godine, ovlašćena osoba za zastupanje i predstavljanje stranke je Lejla Mujkanović.

Obim revizije finansijskog izvještaja Saveza za bolju budućnost BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na članarine, priloge fizičkih i pravnih lica, prihode iz budžeta i troškove izborne kampanje.

4. PRETHODNE KONTROLE I REVIZIJE

Služba za reviziju je izvršila pregled i reviziju godišnjih finansijskih izvještaja Saveza za bolju budućnost Bosne i Hercegovine u periodu od 2009. do 2011. godine, nakon čega su izdati izvještaji sa nalazima revizije i mišljenjem revizora.

Nakon izvršenog pregleda finansijskog izvještaja za 2011. godinu, izdat je izvještaj o pregledu sa nalazima revizije i mišljenjem revizora da je politička stranka postupala u skladu sa odredbama Zakona o finansiranju političkih stranaka.

5. NALAZI REVIZIJE

Na osnovu obavljene revizije godišnjeg finansijskog izvještaja za 2012. godinu, nismo zapazili ništa značajno što bi ukazalo na finansiranje ove političke stranke suprotno odredbama Zakona o finansiranju političkih stranaka.

Troškovi izborne kampanje

Savez za bolju budućnost Bosne i Hercegovine je u finansijskom izvještaju za period od dana podnošenja prijave za ovjeru za izbore do dana ovjere rezultata Lokalnih izbora 2012. godine (postizbornom izvještaju) iskazao troškove izborne kampanje u okviru limita utvrđenog u članu 15.10 Izbornog zakona Bosne i Hercegovine.

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM⁴ po biraču u svakom izbornom krugu, prema broju birača koje je objavila Centralna izborna komisija BiH.

U svrhu izborne kampanje Savez za bolju budućnost Bosne i Hercegovine je iskazao troškove u iznosu od 741.823,97 KM, iako je prema podacima Centralne izborne komisije BiH, na osnovu broja birača, mogao potrošiti 1.239.207,90 KM.

KOMENTAR

U ostavljenom roku, Savez za bolju budućnost Bosne i Hercegovine dostavio je odgovor na Preliminarni izvještaj o reviziji godišnjeg finansijskog izvještaja za 2012. godinu. Stranka je uz odgovor dostavila i ispravljene obrasce godišnjeg finansijskog izvještaja za 2012. godinu, čime je otklonila nedostatke u finansijskom izvještaju.

⁴ Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

Zahvaljujemo se ovlaštenoj osobi za finansijske izvještaje i zaposlenim u Centrali Saveza za bolju budućnost Bosne i Herecegovine na dobroj i korektnoj saradnji tokom obavljanja revizije finansijskih izvještaja.

Revizor

Andan Nevenko

Šef Službe za reviziju

Mr.sc. Hasida Gušić